

لقب مستحق

- ١:٢٤  
المذيع:  
١:٣٥  
سالم:  
نانو:  
عبيد:  
نانو:  
سالم:  
نانو:  
عبيد:  
منصور:  
سالم:  
منصور:  
٢:٥٦  
عبيد:  
٣:٠٦  
سالم:  
منصور:  
عبيد:  
سالم:  
٣:٣٢  
سالم:  
منصور:  
سالم:  
منصور:  
سالم:  
٣:٥٣  
طارق:  
الأستاذ عادل:  
طارق:  
٤:١٠  
منصور:  
٤:٢١  
عبيد:  
عبيد:  
٤:٥٧  
منصور:  
صقر:  
منصور:  
صقر:  
منصور:
- وفي التالي منصور سيقابل اللاعب المتأهل للمباراة النهائية شديد  
خلك مغمض  
اوه، شو جالس تسوي؟  
جالس أكلّم الأرض  
شو؟  
ششش. جالسين نركّز. لما نركّز نسمع الأرض تنادينا.  
انزين، خلني اضبط لكم الجو. بس ممكن لو سمحت لما الأرض تناديك تسألها شو رأيك في موسيقتي  
الرائعة؟ والله يا سالم ما أدري إذا الأرض بتناديك بس الواضح ان معدة عبيد تزاعق عليك.  
شش أصبر شوي بس وبناكل.  
خلاص، ما شيء يوغا. شو فائدة كلام خرابييط؟  
عشان تكون جاهز لمباراتك النهائية. شديد غلب كل اللي نافسوه بسهولة. يعني لو ما تكون مستعد  
عدل، ما بتغلبه.  
هو وصل للنهائي. وانا بعد وصلت للنهائي. وبغلبه مثل ما غلبت اللي قبله.  
اعرف، اعرف. وانا اوعدك بوليمة ما ذقتي مثلها في حياتك. بس اصبري.  
سويت لك برنامج تدريبي صارم. سبع ساعات في اليوم، يعني تدريب تدريب تدريب.  
وانت منو عينك مدرّبي الخاص؟  
انا عينته  
وانا عينت عبيد مشرف غذائي يحدد لك نوع الأكل اللي بتاكله من الحين للمباراة  
يلله، نبدا  
شو؟  
اهجم!  
شو جالس يسوي هذا؟  
انت، شو جالس تسوي هني؟  
أنظف الزجاج أستاذ  
عفوا، عفوا أستاذ عادل. سامحني سامحني  
هيه، هذا الأكل لي. أكلك الحين بيوصل.  
كل يا أخي، صار لك ساعة تتدرب. يلله يلله، سم بالله  
جدي، صار لنا ساعتين جالسين نتريا عشان آخر شيء نصيد هاي؟  
هيه نعم، شو المشكلة؟  
انا رأبي من الحين ورايح انك تستخدم الديناميت  
الديناميت؟  
هيه، تحطه في الماي وينفجر كذي، وبعدين تحصل على سمك واجد واجد

منصور يا ولدي، أول شيء انا مو محتاج سمك واجد. سمكة صغيرة تكفيني. وثاني شيء، ما بصير أخرب البحر كله ع سبة أصيد سمك. وثالث شيء لازم الواحد يتعب عشان يحصل اللي بياه. ولازم تستحقه لأن اللي يجي بالساهل يروح بالساهل <sup>1</sup>	<b>صقر:</b>
انزين شو النصايح اللي قلت لي بتقول لي إياها بخصوص المباراة؟	<b>منصور:</b>
ها، شو تبي عقب كل اللي تعلمته اليوم؟	<b>صقر:</b>
بس جدي نحن ما رمسنا على المباراة بالمرة!	<b>منصور:</b>
الصبر، التركيز، الإيمان، المثابرة... هو قبل كل شيء. لازم تتعب على كل شيء لأجل تستحقه.	<b>صقر:</b>
	٦:٠٦
ممتاز! خآك متابع! قرّبنا نخلص. يلله يا منصور! شد حيلك، كمل التمرين يا بطل!	<b>سالم:</b>
تعبان واجد يا سالم. واجد تعبان!	<b>منصور:</b>
يلله يا منصور، أنت قدها وقود، <sup>2</sup> بس لو تتشجع وتقوم بتنسى التعب.	<b>عبيد:</b>
انزين انزين بكمل التدريب بس انتوا لا تمون هني، سيروا البيت وانا بكمل بروحي. صدّقني يا سالم، وحتى بتشوفه بعينك.	<b>منصور:</b>
	٦:٥٢
بعدك تدرّب؟ زين زين.	<b>منصور:</b>
ليش أدرّب وانا فايز بكل هالمباريات؟ واصل للنهائي، انا البطل. ما أحتاج تدريب.	<b>منصور:</b>
	٧:١٥
اهلا وسهلا بكم جميعا في المباراة التي طال انتظارها	<b>المنيع:</b>
بلباسه الأحمر يتقدّم للمنافسة على اللقب اللاعب شديد ويقابله بلباسه الأبيض طالب من مدرستنا	<b>المنيع:</b>
منصور. دعونا نرى من الذي سيفوز بلقب بطولة الحيوجتسو!	
ارجو الالتزام بقوانين اللعبة. وخلصنا نشوف مباراة ممتعة وجميلة. استعداد، هجوم!	<b>الرجل:</b>
	٨:٤٢
قلت لك، انت البطل	<b>عبيد:</b>
شفت شفت شفت كيف؟ شفت كيف؟ هذا كله لأنك تدربت عدل!	<b>سالم:</b>
	٩:٢٥
ما عليه يا منصور، الحين بتفوز. الحين بتفوز!	<b>مريم:</b>
الصبر، تركيز، الإيمان، المثابرة. الصبر، تركيز، الإيمان، المثابرة	<b>صقر:</b>
	٩:٤٠
الحين انتوا الاثنين متعادلين. باقي نقطة واحدة. اللي بياخذها منكم بيفوز بالمباراة وبالبطولة بعد.	<b>الرجل:</b>
استعداد، هجوم!	
	١٠:١٦
الفايز للمباراة والحائز على لقب البطولة شديدا!	<b>الرجل:</b>
	١٠:٢٥
هذا اللي استوى، كله لأن منصور ما تدرّب كفاية. قلت له ما سمعني. ما سمعني!	<b>سالم:</b>
	١٠:٣٤
منصور، افتح الباب پليز	<b>سالم:</b>
مب مشكلة منصور. إذا ما تبي تفتح، اوكي. نحن بننتظرك هني	<b>عبيد:</b>
انا غلطان، انا غلطان ما سمعت النصيحة. وما تدرّبت عدل.	<b>منصور:</b>
هيه، فزت بالبطولة. هو غلبت هذا اللي اسمه منصور اللي شايف عمره <sup>3</sup> واجد. أقول لك فزت، صدقيني	<b>شديد:</b>
يتبع.....	<b>مكتوب:</b>

<sup>1</sup> What comes easily goes easily

<sup>2</sup> You're able to

<sup>3</sup> Is proud